

ԽՄԲԱԳՐՈՒԹԵԱՆ ԿՈՂՍԻՑ

ԲՈԼՈՐ ԱՅՆ ԲԱԺԱՆՈՐԴՆԵՐԻՆ, որոնց վերաջ ապառիկներ են մնում, խնդրում ենք շտապել իրանց վերաջ անցեալ կամ ներկալ տար-
ւանից մնացած պարտքը հասցնելու «Մուրճ»-ի խմբագրութեան:
ԲԱԺԱՆՈՐԴԱԳՐԱԿԱՆ ՆԻԷՐ, Ստացանք Ղզլարից, պ. Յարութիւն Թա-
մազեանից 10 բուբլի, որով նա նւիրում է «Մուրճ»-ի սոյն տար-
ւալ մի օրինակը նոյն քաղաքի հալոց արական երկդասեան
ուսումնարանին:

ՎՐԻՊԱԿՆԵՐ, «Մուրճ» № 3, Պր. Երւանդ Ղաղարեանցի լօղւածում՝ «Հողի
իշխանութիւնը», գլուխ III մի տեղ ասւած է՝ «զօրեղ և չուղ-
ւած բնաւորութեան», պէտք է կարդալ՝ «զօրեղ և ձուղւած
բնաւորութեան», Գլուխ IV մի տեղ ասւած է՝ «հոգեկան ըն-
դարձակութիւնները», պէտք է կարդալ՝ «հոգեկան ընդունա-
կութիւնները»:

Պրոֆեսոր Շոռմապի լօղւածում «Հակաբանութիւնը
Եւրոպայում» «Մուրճ» № 3, երես 360 տող 8-րորդ տպւած
է՝ «Պասկալ Օշէ (Aucher)», պէտք է կարդալ՝ «Յարու-
թիւն Աւգեր (Aucher), Երես 363, առդ առաջին տպւած է
«Ժ. Բ. Օշէրը (Aucher), պէտք է լինէր «Մկրտիչ Աւգեր (J. B.
Aucher)»:

Փաղաքական տեսութեան մէջ, երես 403 «և ալդ աղ
դեցութիւնը նւաղում է կամ պակասում», պէտք է լինէր՝ «և-
ալդ աղդեցութիւնը աճում է կամ պակասում»:

ՅԱՐԱՋԻ ՄԱՆԵՐՆԵՐԸ, «Մուրճ»-ի լօղւածները, ասում է «Տարազ»-ը, կարծէք
թէ պարբերաբար կրկնում են նոյնութեամբ առանց մի
զգալի փոփոխութեան ենթարկւելու, Մի տեսակ
միաձուլութիւնով կաշկանդւել է («Մուրճ»-ը), որից
թէն ինչպէս երևում է, աշխատում է աղատել, բայց չէ լաջող-
ւում (տես «Տարազ», 1891 թ., № 12):

Ընթերցողը արդէն եղրակացնում է ալդ տողերից, որ ինչ
«Տարազ»-ի կրիտիկոսը չետոյ պէտք է ասէ, ալդ բոլորն չլ

պէտք է ծառայէ որպէս ապացոյց իւր ալդ հալեացքի: Եւ կարծում էք թէ նա ալդ ապացոյցները չի բերում? Բնաւ չը կարծէք: «Տարազ»-ը աշխատում է փաստերով ապացուցել, որ «Մուրճ»-ի լուրացները զգալի փոփոխութեան չեն ենթարկուում: Եւ ահա թէ որքան ակներև կերպով է նա ալդ ապացուցանում: Տեսութեան առնելով «Մուրճ»-ի անցեալ № 3-ը, նա գտնում է, որ՝

1) Պր. Փափաղեանցի «Վոսփօրի ափերում» վէպի սկիզբը որ ապւած է՝ «կարդացում է մեծ հետաքրքրութեամբ»: Եւ լստու. «ահա ձեզ կեանք, ահա ձեզ բարեխիղճ ուսումնասիրութիւն» և ալլն:

2) Պր. Քիշմիշեանցի «Բոլսերի մեծարանքը» կարդացւում է «մեծ հետաքրքրութեամբ»: Երևում է որ «հեղինակը ժամանակ, միտք և աշխատանք է թափել»:

3) Պր. Ե. Ղաղարեանի «Հողի իշխանութիւն» լուրացը «նիւթի կողմից ամենից աւելի հետաքրքրում է ընթերցողին»:

4) Շ-ի Քաղաքական տեսութիւնը «լաւ տպաւորութիւն է գործում և լաւ կարդացւում. ամփոփ, կարճ, ճիշտ, մշակւած, նա բոլորովին պարզ գաղափար է տալիս քաղաքական ալն ժամանակամիջոցի վերալ... «և ալլն»:

Մենք ակամալ պէտք է մտածենք՝ ալդ ինչպէս է պատահում, որ մէկը «Մուրճ»-ի մի յօդոյ մէջ գտնում է առնելւազը չորս լուրաց, որոնցից մէկը միւսից լաւ է համարում, և ալնու ամենալնիւ իւր կրիտիկան սկսում է բարձրից՝ տհաճութեան արտապատութիւններով: Ինչպէս կարող է մէկը անկեղծ լինել, երբ նա մի հատ նոյնքում չորս ոչ միայն լաւ, ալ և նոր լուրացներ է գտնում (ամենահինը սկսւել է միայն № 2-ից!) և ալնու ամենալնիւ սիրտ է առնում պնդել, թէ լուրացները չեն փոփոխուում: Մանաւանդ եթէ ի նկատի առնելու լինէք որ նոյն ալդ 3-րդ նոյնքում, բացի «Տարազ»-ի լուրացներից, կալ նաև մի ուրիշ լուրաց՝ պ. Ե. Մաղաթեանի, Շահադիվի մասին, որը, իբր նորութիւն, չէր կարող աչքի չընկնել մանաւանդ ալն մարդուն, որը ալդքան փոփոխութիւններ է սիրում:

Եթէ մի օրգան ուզում է որ իւր ցուցմունքները, իւր նկատողութիւնները մեզ համար ուսանելի լինեն և ոչ թէ արհամարհանքի տանք ալդ նկատողութիւնները, ապա նա պէտք է համոզմունքով խօսէ. իսկ համոզմունքը ենթադրում է կատարեալ անկեղծութիւն: Եւ մենք վերը տեսանք որ «Տարազ»-ի գոնէ ալդ մի նկատողութեան մէջ անկեղծութիւնը պակասում է:

Անկեղծութեան պակասութիւնը արդարեւ չափաւորապէս լինելով նոյն իսկ գովանանքի մէջ, տեսնենք թէ ինչպէս է ալի պակասութիւնը արտաբերուած պախարակման մէջ։ Որովհետեւ «Տարազ»-ի կրիտիկոսը ցեխի հետ է հաւասարացնում «Մուրճ»-ի մի աշխատակցին՝ պ. Ա. Նամալեանին, որը արդէն տասնեակ պատկերներ է տւել «Մուրճ»-ին և որից մենք չուրեք, որ նա աւելի ևս մեծ տեղ կը բռնէ մեր ամսագրում։ Թողնելով Նամալեանի պատկերների գնահատութիւնը աւելի լուրջ քննադատութեան, մենք ալետեղ կը բացատրենք միայն, թէ ինչու մեր ընթերցողներին ձանձրութեամբ պատճառած չենք համարում, տպւելով նորա պատկերները թէկուզ «Մուրճ»-ի ամեն մի համարում։ («Տարազը», Նկատեցէք ալ, «Մուրճ»-ի միաձեռութիւնը կարծում է ապացուցած լինել, վկայելով թէ «Մուրճ»-ի մէջ չատ են չաճախ երեւում Նամալեանի պատկերները)։

Նամալեանը մեր բերտերիստներից նա է, որ սիրում է ամենից չարժ գրել, դուրս մղելով իւր գրածքներից այն բոլորը, ինչ նշանակւած է միայն գրածքը «հաստացնելու»։ Դա ալեքան մեծ արժանաւորութիւն է, որ արժէ նոցա տպել թէկուզ հէնց մեր գրողներից շատերին օրինակ տալու համար։ Որովհետեւ վէպերի և պատկերների մէջ աւելորդաբանութիւններ անկը մի կատարեալ ախտ է, որով վարակւած են մեր գրողներից մանաւանդ նոքա, որոնք գրածքի մէջ գեղարւեստը խալաւ մոռացութեան են տալիս։ Ալի ախտով վարակւած են թէ մեր հին գրողներից շատերը և թէ նոր սկսողները։ Առանց կրճատելու և մասամբ անգամ փոփոխելու—ալի գրածքները տպել անհնարին է լինում «Մուրճ»-ի մէջ։ Ալի գրողները, որոնց չաճախ չի պակասում նոյն իսկ տաղանդը, սովոր չեն գրածքը հալել գրականօրէն։ Մեր գիտեցածով ալի ընդհանուրից լաւ բացատրութիւններ կաղմողներն են, մեր գրականութեան մէջ առհասարակ, Ռաֆայէլ Պատկանեան իւր թէն ոչ միշտ զիւրամատչելի բարբառով գրած վէպիկներով, ապա Շիրաւանդադէ և Լէօ։ Լաւ հասկացէք, որ մենք դորանով տաղանդների չափը չենք ուզում որոշել, ալ միայն և միմիայն նոցա վիպական գրածքների հաշուաւորաբար աստիճանը՝ զուտ գրական տեսակէտից։ Եւ նորագոյն գրողներից ալի կատեգորիային մենք կարծում ենք թէ պատկանում է նաև պ. Ա. Նամալեան։

Բաց գրական խիստ մշակումը արժանաւորութիւն է միայն, երբ գրածքը ինքը միտք է ամփոփում իւր մէջ և երբ ալի միտքը գրական մշակման նիւթ կարող է ծառայել։

Դէ հիմա մեր ղատողութիւնը կարող է սարերով տարբերել «Տարազ»-ի գաղափարներից ալն մասին, թէ ինչն է «հետաքրքրական» և ինչը չէ «հետաքրքրական», որովհետև հետաքրքրական լինելը պաշմանաւորում է միտ մատամբ գրւածքի ճիւթով և նորանով թէ ինչպէս է ըմբռնել հեղինակը իւր գիտողութիւնը: Բայց թէ լատկապէս այ. Նամալեանի գրւածների արժանաւորութեան մասին ոչ թէ «մի կարծիք» կալ կաղմւած, որը «Տարազ»-ինն է, ալ և ուրիշ կարծիքներ կան գրականութեան հետևող շրջանների մէջ, ալդ, բացի մեր անձնական կարծիքից, ապացուցւում է մեր լսածներով և մեր ստացած մասնաւոր նամակներով: Մենք ալդ վկայութիւնները դեռ ևս քննադատութեան վերջին խօսքը չենք համարում, բայց մենք լիշատակում ենք ալդ, ցոյց տալու համար որ նաև վիպական գրւածների համար, որպէս և իւր ժամանակին մենք ալդ ասել ենք բանաստեղծութեան մասին, մեր հալեացքը կարող էր չը գնահատել մեր մամուլի մէջ, բայց ոչ անպալման կերպով նաև հասարակութեան կողմից:

Իսկ վկայութիւններ ալն բանի համար, որ մենք չենք սխալւել հիւրընկալելով այ. Նամալեանի գրւածքները, ունենք թէ բերանացի և թէ գրաւոր: Մենք առաջ կը բերենք Նոցանից միալն մի-երկուսը: Հէնց նոյն Յն 3-ում այ. Ղազարեանցը, որ ալնքան լափշտակութեամբ խօսում է Գլէբ Ուսպենսկու մասին, գրեթէ նոյն լափշտակութեամբ, իւր լօղւածի վերջում, խօսում է նաև այ. Նամալեանի պատկերներից մէկի մասին:

Մեր բարեկամներից և աշխատակիցներից մէկը, այ. Ն. Մաղաթեան, որի համար լամենալն դէպս պէտք է խոստովանել թէ գրականութեան ճաշակ ունի, իւր մի նամակով առ 31 մարտի, մեղ ուղղած, գրում է՝ «Նամալեանը խոստանում է լաւ վիպագիր դուրս գալ»: Բերանացի վկայութիւնների մասին խօսելը չատ անլարմար է. կարող ենք միալն աւելացնել, որ «Տարազ»-ի վարմունքը (որովհետև քննադատութիւն չենք կարող անւանել նորա խօսքերը, ալ միալն մի վարմունք) թերևս միմիալն դէպի հեղինակը տածած թշնամական զգացմունքով կարելի է բացատրել, բայց ոչ երբէք նորանով, որ «Տարազ»-ը ղորանով ցանկացած լինի «Մուրճ»-ի խմբագրութեան անկեղծ խորհուրդ տալ:

Թեղ մեղ ծուռ չը հասկանան. մենք ալս տողերով չենք ուղում կանխել զրական քննադատութեան կարծիքը այ. Նամալեանի մասին. ալս բոլորով մենք միալն ուղեցինք պաշտպանել մեր տեսակէտը: Եւ մենք հաստատ համոզւած ենք, որ

տեղ տալով սլ. Նամակներին, մենք խմբագրական սխալ
չենք գործել:

† ՆՈՐԻՆ ԲԱՐՁՐՈՒԹԻՒՆ ՄԵՄ ԻՇԽԱՆՈՒՀԻ ՕՅԼԳԱ ՖԷՕԴՈՐՈՎՆԱՅԻ
ՄԱՀՐ: Վախճանեց Նախկին փոխարքայ Մեծ Իշխան Միխայիլ
Նիկողաեւիչի ամուսինը, որը թողել է մեր երկրում անմուա-
նալի լիշատակներ գլխաւորապէս այն իգական գիմնաղների և
պրոգրիմնաղների չնորհիւ, որ հանգուցեալը հիմնեց մեր երկրի
ալլ և ալլ քաղաքներում: Մահւան լուրը Թագաւոր-կալսրը հա-
ղորդեց մի մանիֆեստով, տպւած պաշտօնական „Правитель-
ственный Вестник“-ում, որ ահա՝

«Ամենակարող Առաւուծուն հաճելի եղաւ կանչել Իւր մօտ
Մեր ամենասիրելի հօր-եղբորկին Մեծ Իշխանուհի Օլգա Ֆեօ-
դորովնային: Նորին Կալսերական Բարձրութիւնը, ուղևորելով
Ղրիմ հիւանդութիւնից բուժւելու համար, վախճանեց խարկով
քաղաքում, 31-ն մարտի, 52 տարեկան հասակում: Հաղորդելով
այս ողբալի անցքի մասին, Մենք հաւատացած ենք, որ Մեր բոլոր
հաւատարիմ հպատակները մասնակից կը լինեն այն դաւին, որ
հասաւ Մեր Կալսերական Տանը և կը միացնեն իրանց աղօթք-
ները Մերի հետ՝ հանգուցեալ Մեծ Իշխանուհու հոգու հանգս-
տեան համար»:

